

Psalmus responsorius

Ps 32, 1-2. 4-5. 18-19. (R̄: 22)

R̄. Fiat misericórdia tua, Dómine, super nos,
quemadmódum sperávimus in te.

vel:

Allelúia.

¹ Exsultáte, iusti, in Dómino;
rectos decet collaudátio.

² Confitémini Dómino in cíthara,
in psaltério decem chordárum psállite illi. R̄.

⁴ Quia rectum est verbum Dómini,
et ómnia ópera eius in fide.

⁵ Díligit iustítiam et iudícium;
misericórdia Dómini plena est terra. R̄.

¹⁸ Ecce óculi Dómini super metuéntes eum,
in eos, qui sperant super misericórdia eius,

¹⁹ ut éruat a morte ánimas eórum
et alat eos in fame. R̄.